



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ვერძონე

ვერძონე (Verzone) პაოლო (1902, ქ. ვერჩელი, – 1986), იტალიელი ხელოვნების ისტორიკოსი. ადრინდ. შუა საუკუნეების რომანული, ბიზანტიური და აღმოსავლურქრისტიანული ხელოვნების მკვლევარი. ტურინისა და სტამბოლის პოლიტექნიკის პროფესორი (1951–56). სხვადასხვა ქვეყნის მეცნ. აკად. და სამეცნ. საზ-ბათა წევრი. 1958-იდან ხელმძღვანელობდა არქეოლ. გათხრებს მცირე აზიაში (ქ. იერაპოლისი, ახლანდ. ფამუქკალე). 1971 იყო საქართველოში ქართ. ხუროთმოძღვრული ძეგლების გასაცნობად. გამოაქვეყნა ნარკვევები ქართ. ხელოვნების შესახებ (იტალ. ენაზე): „ქართული ხუროთმოძღვრება და რომანული ხუროთმოძღვრება“, „შუა საუკუნეების ქართული მინანქარი“ (ორივე კრებულში: „XX Corso di cultura sull'arte ravennate e bizantina“, Ravenna, 1973); 1977 ქართ. ხელოვნებისადმი მიძღვნილ მეორე საერთაშ. სიმპოზიუმზე (თბილისი – გელათი) წაიკითხა მოხსენება მცხეთის ჯვრის შესახებ.

თბზ.: L'architettura dall' alto medioevo nell' Italia settentrionale, 1942; L'arte preromanica in Liguria ed i rilievi decorativi nei secoli barbari, 1942; Werdendes Abendland, 1967.

ვ. ბერიძე